

Na osnovu člana 35. stav 4. Zakona o zdravstvenom osiguranju ("Službene novine Federacije BiH", broj 30/97 i 7/02), federalni ministar zdravstva donosi

ODLUKU

O IZMJENAMA ODLUKE O STANDARDIMA I NORMATIVIMA ZDRAVSTVENE ZAŠTITE IZ OBAVEZNOG ZDRAVSTVENOG OSIGURANJA

I.

U Odluci o standardima i normativima iz obaveznog zdravstvenog osiguranja ("Službene novine Federacije BiH", br. 5/03, 18/04 i 57/07) - "OSNOVI STANDARDA I NORMATIVA ZA OSNOVNI PAKET ZDRAVSTVENIH PRAVA", u poglavљу I - STANDARDI I NORMATIVI PRIMARNE ZDRAVSTVENE ZAŠTITE, pod tačkom 1.1. "Porodična medicina" u stavu 2. alineja 2. se briše.

Tačka 1.5. "Zdravstvena zaštita predškolske djece (od 0 do 6 godina)" mijenja se i glasi:

"Zdravstvenu zaštitu predškolske djece osigurava jedan radni tim na 1.300 korisnika ove populacije.

Sastav tima:

- 1 doktor medicine specijalista pedijatar,
- 0,2 viši zdravstveni tehničar,
- 1,5 zdravstveni tehničar SSS.

Tim osigurava 6 usluga po korisniku godišnje s prosječnim trajanjem usluge od 20 minuta.

Od ukupno raspoloživog radnog vremena 50% se odnosi na obavljanje usluga preventive.

Roditelj/staratelj se može opredijeliti za pružanje ovih usluga kod doktora medicine specijaliste porodične medicine.

Izuzetno od st. 2. i 5. ove tačke, ukoliko prema mjestu stanovanja nema mogućnosti izbora doktora medicine specijaliste pedijatra ili doktora medicine specijaliste porodične medicine, usluge zdravstvene zaštite predškolske djece može osiguravati doktor medicine specijalista opće medicine, odnosno doktor medicine.

Godišnja vrijednost nadoknade za program rada tima iznosi 92.500 bodova."

II.

Ova Odluka stupa na snagu narednog dana od dana objavljivanja u "Službenim novinama Federacije BiH".

Broj 01-37-7677/08
25. augusta 2008. godine
Sarajevo

Ministar
prim. dr. **Safet Omerović**, s. r.